

Izjava OHR-a na konferenciji za medije međunarodnih organizacija

Visoki predstavnik u Banja Luci

Visoki predstavnik, Paddy Ashdown, će sutra posjetiti Banja Luku. Visoki predstavnik će posjetiti “Dom zdravlja Banja Luka” i Odjel urgentne medicine ovog Doma, gdje će se susresti sa medicinskim radnicima koji četiri mjeseca nisu primili plate. Na Odjelu urgentne medicine svakog dana više od 120 pacijenata primi medicinsku pomoć, a ovaj odjel je “privremeno” smješten u podrumu Doma zdravlja više od 30 godina!

Postoje planovi da se ovaj odjel prebaci na prizemlje ali trenutno nema novca da se to uradi. Ova bolnica također mora nabaviti novu opremu za EKG i opremu za kisik.

Među mnogim problemima koji su povezani sa pružanjem zdravstvene zaštite su neodgovarajuća raspodjela i trošenje vrlo ograničenih finansijskih sredstava, niska stopa korištenja bolničkih kapaciteta, loše izdefinirana mreža institucija za zdravstvenu zaštitu, nejasan sistem uputnica, i neefikasna administracija.

Tokom posjete visokog predstavnika bit će organizirano fotografisanje u 10: 20 sati.

Kasnije tokom jutra, visoki predstavnik će se u Studentskom domu susresti sa studentima univerziteta te održati otvorenu debatu vezanu za tekuća pitanja i budućnost BiH.

Prvi zamjenik visokog predstavnika posjetit će općinu Centar Sarajevo

Prvi zamjenik visokog predstavnika, Donald Hays, posjetit će sutra općinu Centar Sarajevo. Ovo je posljednja u nizu posjeta općinama diljem Bosne i Hercegovine, tokom kojih ambasadora Haysa načelnici općina i općinski službenici izvještavaju o izazovima sa kojima se suočavaju općine u unapređivanju usluga koje su u mogućnosti da pruže građanima.

Ambasadora Haysa će u obilasku općine pratiti načelnik Ljubiša Marković a obilazak će uključiti projekat urbane obnove Gorice, te inicijativu za deminiranje i razvoj zajednice Betanija-Šip.

Otpočinjanje Faze III Buldožer procesa

Ambasador Hays će sutra poslijepodne prisustovati otpočinjanju Faze III Buldožer procesa. Glavni učesnici na ovom sastanku bit će premijer BiH, Adnan Terzić, entitetski premijeri Hadžipašić i Mikerević, te predstavnici novog Udruženja poslodavaca BiH. Ovaj događaj će se održati u zgradi Zajedničkih institucija.

Sastanak će otpočeti u 13:00 sati kada će prvo biti održana generalna skupština udruženja poslodavaca Federacije, RS odnosno Distrikta Brčko, na kojoj će ova udruženja usvojiti statute novog Udruženja poslodavaca na državnom nivou. Na kraju generalne skupštine, ova udruženja će formalno i javno premijeru Terziću predati zahtjev za registraciju ovog novog udruženja.

Ovo će također označiti početak III faze Buldožer procesa.

Predavanje zahtjeva, nakon kojeg će uslijediti konferencija za novinare koju će održati tri premijera i direktori novog Udruženja poslodavaca BiH će se održati u 15:00 sati.

Regionalne Buldožer komisije će započeti sa prikupljanjem novih prijedloga za ekonomske reforme a potom zajednički raditi sa Jedincima za hitnu reformu kako bi identificirali prijedloge koji imaju izgleda da ostvare najveći potencijalni efekat na poslovno okruženje u BiH.

Tokom III faze Buldožera doći će do daljnjeg povećanja uloge domaćih struktura u Buldožer inicijativi. Sveukupna koordinacija, koja je tokom faze II još uvijek bila odgovornost Buldožer odjela OHR-a, će postepeno biti prebačena na novouspostavljeno Udruženje poslodavaca BiH.

Kasnije tokom dana objavit ćemo detaljna obavještenja za medije vezana za sve ove događaje.